

遺像有嚴瞻者起敬

諸葛忠武侯贊

楊維禎

連東吳服南粵未為侯之功歌渭濱祭道上未為侯之德衍八陣運木馬未為侯之能朝無赦民無譁未為侯之職於戲立鼎峙於三方受孤庸於六尺輔國政而國不疑竭民勞而民愈力知之者以為伊周之未遇其未知者以為齊仲父漢宗臣之匹也

諸葛忠武侯贊

宋濂

龍門子曰三代而下有合於先王之道者孔明一人而其師以正動義也委身事君忠也開誠布公信也御眾以嚴知也其功道藏輯要
忠武侯集 贊
之不能成天也議者則謂其應變將略非其所長又謂其出師不攻瑕而攻堅一出師乃與魏氏角其亡則宜又謂其仁義詐力雜用以取天下所以失之是皆以權謀術數測孔明而孔明明白正大之心初未嘗知之也若三者之議真蛇鼠之見哉

武侯贊

方孝孺

漢治任法難乎大臣惟忠武公千載一人綜覈萬變以義而動虎耀龍驤天下震恐極其智能亂不足平天實厄之大勳無成敗紛然處之甚暇論其所存伊呂流亞古學不傳士氣益卑公心不亡百世之師

武侯贊

楊溥